

广东通志

广

东

通

志

廣東通志卷一百三十八

甲子重刊

建置略十四

學校二

廣州府二

順德縣

縣學在縣治東南宣化街明景泰三年知縣周亶
教諭劉景福始創廟廡堂齋公廳號舍咸用茅茨
知縣崔瑀始易以瓦天順四年知縣李先改建兩
齋及饌堂成化元年知縣錢溥立卧碑蟄泮池創
麗澤亭改饌堂曰觀頤堂建奎文閣
韓雍有記不錄後知
縣吳世騰建號房八十餘間宏治間知縣吳廷舉
重修戟門兩齋正德四年知縣曾憲修櫺星門易

以石柱倫文敘有十一年吳廷舉為右布政使重

修知縣邱道隆改建號舍一百二十間黃志按

三年十四年任順德縣毀淫祠一百三十間嘉靖

二年訓導羅溥白督學歐陽鐸始以所毀淫祠改

建號嘉靖五年署知縣林應驄遷射圃於學門之

東舊府館地中為堂左為射器庫右為梯雲社學

林應驄有十二年知縣袁鉞建啓聖祠四十三年

知縣李有則繼修隆慶七年知縣胡友信浚泮池

中跨以石梁萬厯九年據梁知縣葉初春修櫺星

門麗澤堂奎文閣閣右為鄉賢祠左為名宦祠梁

臣重修儒學記略吾邑之有黌宮肇自景泰二年
削平僭亂造茲新邑誕敷文教於南海之陬實惟
我周邑侯余侯經畫營度翦其荆棘丕創厥基嗣
後崔侯李侯錢侯吳侯莊侯邱侯曾侯李侯胡侯

先後來尹茲土增修其缺葺乃廢墜於是廟學規制乃始大備迄今多歷年所廟貌如故而門垣階凡朽蠹已甚非所以妥聖靈而育羣士也維萬曆辛巳吳門葉侯來宰是邑下車視學慨然傷之迺庀材鳩工諏日授事首正殿次兩廡戟門頻池尊經閣鄉賢名宦祠明倫堂會饌堂次第修飾經始於孟秋落成孟冬凡五閱月而悉堅完美好焉云云

修據梁鵬記三十二年知縣吳宗周重修據薛藩補記不錄

薛記略我順德建邑自景泰三年始宮墻俎豆亦以是歲創興然制多未備有錢學士溥之役則襄毅韓公爲政有吳司空廷舉之役則中丞李公爲政至於李侯胡侯方侯後先繼美廟貌重新則載在倫太史梁廷評梁計部諸記中可考溫陵吳侯來蒞茲土始以修飾學宮爲已任程工計費悉捐橐以授高君如璧不移月而煥然矣侯君宗周晉江人

國朝康熙十一年知縣王尹與教諭余鼎藩重修三十二年知縣徐勅捐修並置祭器四十五年知縣

鳳凰志卷一百三十一
何玉度倡修尊經閣郝志五十七年知縣吳中和修

大成殿六十年署知縣樓儼重修奎文閣麗澤堂

名宦祠雍正元年改啓聖祠爲崇聖祠四年知縣

陳鴻熙六年知縣柴瑋俱重修乾隆四年訓導邵

光祖建修業堂八年教諭曾國鳳重建學署於明

倫堂之右十三年知縣陳志儀建龍門於學宮內

府志

鳳山書院在城鳳凰山麓知縣吳廷舉建後改四

賢祠祀劉大夏鄒智李承基吳廷舉康熙二十三

年巡撫李士楨檄縣捐建爲書院雍正二年爲鎮

標守備署乾隆三年邑士請遷營還復書院不果

二十三年知縣高坤捐俸移建於城西

梯雲書院在城內乾隆十四年知縣陳志儀捐俸建

葛堡書院在葛岸堡乾隆十四年知縣陳志儀捐建

西淋書院乾隆十五年知縣陳志儀捐建上俱同

東莞縣

縣學在東城外舊在縣東南二里許宋淳熙十三

年知縣王中行遷於今所

王中行遷學記略東莞故郡也後為監郡址監

榜猶在及為縣地賦夥長材秀民之戰藝有司者倍他邑士而學館弗稱邑左三里許有闢於榛菅間者曰學也棟宇綿葛絃誦寂寥今幾何年矣余領邑未閱月邑士羣以為言詰其地以一二對

率眾往覘與故址相唯呵其孰從違與謹按唐史志東廣名山二邑之黃嶺其一也有自東嶠而南去邑餘百步正與黃嶺相賓主中夷外曠地屬黎氏余一叩得之遂進邑士告之曰茲化本也於是樽用儲贏徙而新之向之荒者治庠者敞險者豁缺者備脉故規豈直什伯與學成尚以都養廬粥公田輟網祖民畝失籍者悉歸學歲人倍於曩且增弟子員以充之自經始至訖工凡再稔而後就是役也邑尉陳穎實先後之余則揭陽王中行也涪熙戊申八月記開禧二年知縣

劉棠移建大成殿於學右嘉熙三年知縣許巨川

建寶書閣卽舊經史閣李昂英有記不錄涪祐元年知縣

趙善鄺重建大成殿後毀於兵燹元至元二十八

年邑士黎友龍重建經史閣李春叟記略邑學有經史閣宋嘉熙己亥

許邑侯所創也距今五十年矣世運遷革郡縣受兵最烈人不聊生奚暇禮義之治長編鉅帙蕩爲灰埃而閣亦以廢黎君友龍慨然發私橐興工役不三月間儼然復舊觀士論躋之宋涪熙間學宮

隘陋君之四世祖割地以遷之好義蓋有自來矣然閣者書之寄書者道之寄道之顯晦繫於書之存亡書之存亡繫於閣之興廢閣之成斯文於是得所寄焉後之有志者博覽載籍相與討論服習天地陰陽事物之理歷代興亡治亂之故燦然在目反而求之身心以爲致知力行之地闢微言之幽眇發陳編之光燦使往聖絕學炳而不墜舊典在而魯安遺書出而漢盛斯道之寄在閣閣存而關於人國大德五年廉訪使趙興祖檄縣彭振重者大矣

修明洪武三年詔興學校五年知縣詹勗撤廟廡

堂舍重建之

羅文煥有記不錄

十四年廟學災三十年貢

士莊恭奏聞詔工部遣使仍舊建復洪熙元年知

縣李貞重修正統四年通判王玘重建講堂六年

知縣王尙珮修殿廡闢射圃地修觀德亭建號舍

致遠亭浚泮池天順七年知縣吳時中重修

錢溥記略

昔魯僖公修復泮宮不見書於春秋而見頌於詩何也蓋不書常事也而頌之非常事也學校樂育人材尊賢養老之地也而頌皆不及而獨頌其獻賦獻囚之在泮而且致其懷好音而獻琛是豈其常也哉當是時淮夷病杞及郕而魯爲之懼興學以崇化然必夷患息而後人材樂得其所教化以之大行不然民方奔走救贍之不暇而暇治禮義哉宜詩人以是而致其頌也乃者兩廣苗蠻構患而延及東莞無休息然嶺南稱人材軒冕文學淵藪必以東莞爲首而轉輸供億之煩亦以是邑爲甚使取於民有制而教養不失其道蓋必有善於其令者與今之爲令者樂平吳侯時中也侯舉甲戌進士尹茲東莞已及六年以身率化百廢咸舉尤加意於學校自廡堂齋神厨門樓暨三賢祠攀桂亭靡不撤故而加新諸生來游者衆至廩舍不能容乃購後地一區增造內號四十餘間是役也經始於天順八年甲申正月十五日而成化二年成於明年成化改元十有二月二十日

知縣范彥理重修
邱濬記略嶺南人才之盛前代首稱曲江在今世則無踰東莞

者君子推原所自咸歸重於學校育才之效焉縣學肇宋厯元至今凡幾廢幾修然皆有而未備備

而弗華成化丙戌子友范君彥理來知縣事既三年振作斯文大興學校若大成殿若兩廡若戟門櫺星門會饌堂齋廬庖厨則新之若明倫堂左右兩齋三祠則修葺之若先師諸賢諸先儒則飾其肖像與增塼焉規制大備文采絢耀邑人士以為自有邑學以來未有如此之盛者也費一出於己資與夫士夫之樂助官與民咸弗與焉彥理名倫

十八年訓導金正白於

提學趙瑤重建明倫堂

據祁順記補記不錄

正德十三年教

諭鄒珠復改建明倫堂仰高亭十三年訓導方輅

建東西齋十五年教諭劉蘭建儀門及倉庫嘉靖

四年知縣李性闢射圃於明倫堂東北二十五年

知縣孫學古重修建敬一箴亭

黃志兼採府志甚若水及黃佐俱

有記不錄

四十年訓導周蓋臣建尊經閣四十一年知

縣喬誥復修啓聖祠東西廡泮橋學門萬厯二十

八年知縣翁汝遇以形家言築垣於廟學之南以

障民居之射對

志郝

崇正八年知縣汪運光重修殿

廡門堂及亭閣教諭廳署創土地祠於戟門東知

州溫可正捐修鄉賢祠教諭錢夢蘭重建觀德亭

三益亭

國朝順治十二年邑人蔡元真重飾

先聖先賢木主康熙十九年知縣裴孔武捐修兩廡明

倫堂二十八年知縣郭文炳捐修戟門櫺星門重

建啓聖祠雍正元年改爲崇聖祠七年知縣吳天

成捐修正殿明倫堂戟門櫺星門名宦鄉賢祠明

倫堂前爲兩齋後爲尊經閣下爲麗澤堂左右爲

號舍爲庖爲庫房稍西爲敬一箴亭文廟北爲崇聖祠爲文昌祠爲三益亭爲射圃爲觀德亭大門外前爲石欄東爲聖域西爲賢關學前有塘水環如帶朔望潮通焉少西爲興賢橋

縣志

寶安書院在縣南門內德生橋康熙二十八年知縣郭文炳建五十九年知縣于梓移置縣南聚秀坊前衛舊署雍正六年圯於水知縣周天成修復

後復圯知縣沈曾同印光任相繼重修

縣志

沈曾同記略

雍正十有一年正月

詔天下督撫大臣於

省會建書院簡士之文行兼優者讀書其中所以樹人儲材用宏萬世太平之基業於時粵東有粵秀書院在肇慶者爲端溪書院移檄所屬令各舉其邑之俊良而肄業焉會同既拔其尤以應盛典而東官文學甲五嶺南咸自矜奮思底於成會同

敢弗仰體朝廷興賢育才至意俾向學之士咸有所考德而問業乎邑故有寶安書院在德生橋東康熙二十八年郭令君文炳建五十九年于令君梓更購衛守舊衙將移書院於此未及成罷去其在德生橋者至今相承弗替余就其所延鄉大夫姚先生夢鯉為之師顧學舍止數椽弟子願受業於先生者日益進弗能容也乃謀重建于君所購處撤其老屋夷其址周以繚垣樹之薪木統而仍其名曰寶安書院額大門楣間以志余之從事於此者猶前令君之志云爾經始於雍正十有二月八年

龍溪書院在石龍鎮乾隆四年知縣印光任倡建

道光元年知府羅含章率知縣暨戎廳京山兩屬

士民重修

冊檔

靖康書院知縣郭文炳建場大使俞子麟監修

府志

新安縣

縣學在東門外坐文岡而朝杯渡明萬厯元年知縣吳大訓教諭俞香始建二十三年知縣喻燭教諭施孔儉訓導孫光祚改建於城南海防廳之左知縣李汝祚相繼成之規制比舊加備崇正十五年知縣周希曜以形勝弗善復遷建於東門之外國朝康熙十年毀於颶風知縣李可成申請修復訓導凌相旌相繼修葺二十二年教諭黃袞裳重修乾隆四十七年知縣吳沂四十九年李大根相繼修葺

郝志兼採
新縣志

文岡書院在城西五通街雍正二年知縣段巘生

建

新縣志

鳳岡書院在城南和陽街原海防廳署康熙十八

年改爲東莞場署嘉慶六年詳准改建書院知縣

孫樹新等相繼成之布政司康基田顏曰鳳岡

同上

寶安書院在東門外學宮右康熙三十二年知縣

丁棠發創建

縣志謹按郝志新安社學六無書院府志書院一曰寶安

嘉慶

五年改爲水仙廟

新縣志

從化縣

縣學在縣治左明宏治七年知縣劉宏創建十三

年知縣林晏建東西二齋兩廡十六年教諭羅懋

建明倫堂正德九年知縣黎鐸建櫺星門嘉靖元

年提學副使魏校建尊經閣三年知縣傅舉創號

舍及省牲所易櫺星門以石

黎貫有記不錄

三十年知縣

呂天恩建戟門三十四年知縣鄭景昂教諭傳陽

明改建廟廡

黃志按縣志與此同郝志府志皆以鄭景昂列於二十四年在呂天恩

之前似誤

三十六年知縣曹濬改建文廟及兩廡又改

尊經閣為啓聖祠重修名宦鄉賢祠

黃佐有記不錄

四十

三年知縣陳豫章重修萬厯三十五年知縣沈順

臣修廟廡戟門號舍敬一亭鄉賢祠知縣盧慰尊

教諭殷輅增建旁齋修泮池四十八年教諭馮應

龍崇正二年知縣雷垣五年知縣王志章各重修

郝志

國朝康熙四年知縣郭遇熙重修

據郭遇熙重修儒學碑記補

二